

BOSNA I HERCEGOVINA  
Federacija Bosne i Hercegovine  
TUZLANSKI KANTON  
**Kantonalni štab civilne zaštite**

Broj: 02/24-40-001030-2/23  
Tuzla, 19.1.2023. godine

Na osnovu člana 25. Poslovnika o radu Kantonalnog štaba civilne zaštite, broj: 02/24-40-006170-1/22 od 21.3.2022. godine, Kantonalni štab civilne zaštite, na sjednici održanoj dana 24.1.2023. godine, u s v a j a

## **IZVJEŠTAJ O RADU**

### **Kantonalnog štaba civilne zaštite za 2022. godinu**

#### **I UVOD**

Kantonalni štab civilne zaštite (u daljem tekstu: Kantonalni štab) osnovan je u skladu sa Odlukom o osnivanju Kantonalnog štaba civilne zaštite („Službene novine TK”, broj 6/14, 9/14, 12/15, 9/17, 7/18 i 2/21), sa pravima i obavezama rukovođenja akcijama zaštite i spašavanja na teritoriji Tuzlanskog kantona, te za obavljanje drugih poslova u zaštiti i spašavanju, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine F BiH”, broj 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK”, broj: 10/08 i 8/15) i drugim propisima vezanim za njegovu nadležnost.

Sastav Kantonalnog štaba utvrđen je Rješenjem o postavljenju komandanta, načelnika i članova Kantonalnog štaba civilne zaštite, („Službene novine Tuzlanskog kantona”, broj: 6/21 i 15/21)

Kantonalni štab obavlja poslove iz svoje nadležnosti samostalno i za svoj rad je odgovoran Vladi Tuzlanskog kantona.

Kantonalni štab funkcioniра stalno kada Vlada Tuzlanskog kantona proglasi nastanak prirodne ili druge nesreće na području Tuzlanskog kantona (u daljem tekstu: TK), tako što izravno rukovodi akcijama zaštite i spašavanja ljudi i materijalnih dobara, pa do momenta kada Vlada proglasi prestanak takvog stanja ili odluči da Kantonalni štab funkcioniра dok se ne izvrši saniranje nastalih posljedica i stvore uvjeti za normalan život i rad ljudi na ugroženom području.

Kantonalni štab funkcioniра povremeno i prema potrebi, a naročito kada:

- razmatra stanje priprema, organiziranost, opremljenost i osposobljenost za zaštitu i spašavanje svih nositelja zaštite i spašavanja na području TK,
- predlaže mjere za dogradnju sistema zaštite i spašavanja,
- djeluje preventivno u cilju sprečavanja nastanka prirodne ili druge nesreće,
- učestvuje u vježbama i drugim vidovima obučavanja i osposobljavanja,
- obavlja i druge poslove utvrđene zakonom i drugim propisima.

Kantonalni štab, u slučaju nesreće, pruža pomoć općinama, gradovima i drugim kantonima, na poziv njihovih štabova civilne zaštite i Federalne uprave civilne zaštite, u skladu sa zakonom.

Saglasno Odluci o osnivanju Kantonalnog štaba, Kantonalna uprava civilne zaštite obavlja stručne, administrativne, tehničke i druge poslove, neophodne za njegov rad.

## II AKTIVNOSTI

U izvještajnom periodu održano je 10 (deset) redovnih i 3 (tri) telefonske sjednice Kantonalnog štaba te nekoliko radno konsultativnih sastanaka komandanta i načelnika Kantonalnog štaba, na kojima su razmatrana pitanja iz njihove nadležnosti.

Na ovim sjednicama Kantonalnog štaba, razmatran je veliki broj pitanja koja su obrađena kroz realizaciju dnevnog reda:

- Izvještaj o radu Kantonalnog štaba civilne zaštite u 2021. godini;
- Plan rada Kantonalnog štaba civilne zaštite za 2022. godinu;
- Izjašnjenje KŠCZ po aktu Kantonalnog pravobranilaštva, broj: P.80/20 II od 21.12.2021. godine u predmetu „Mešić-com“ d.o.o. Gradačac
- Sagledavanje aktuelne epidemiološke situacija izazvane virusom COVID-19 u Tuzlanskom kantonu;
- Program za obilježavanje Dana civilne zaštite u 2022. godini;
- Razmatranje prijedloga i usvajanje novog Poslovnika o radu Kantonalnog štaba civilne zaštite;
- Razmatranje i davanje mišljenja na Plan korištenja sredstava posebne naknade za zaštitu od prirodnih i drugih nesreća u 2022. godini;
- Prijedlog za dodjelu priznanja civilne zaštite u 2022. godini;
- Izvještaj o korištenju sredstava Posebne naknade za zaštitu od prirodnih i drugih nesreća u 2021. godini;
- Razmatranje Prijedloga i donošenje Odluke o dodjeli finansijskih sredstava za nabavku opreme i tehničkih sredstava za potrebe službi zaštite i spašavanja TK;
- Razmatranje Prijedloga i donošenje Odluke o dodjeli finansijskih sredstava za obuku i uvježbavanje službi zaštite i spašavanja TK;
- Razmatranje Zahtjeva o dodjeli jednokratne finansijske pomoći za otklanjanje posljedica općini Sapna, uslijed prirodne nesreće izazvane sušom iz 2021. godine.
- Razmatranje Prijedloga i donošenje Odluke o nabavci „Sistema za obavještanje i uzbuđivanje građana na području Tuzlanskog kantona“.
- Razmatranje Prijedloga i donošenje Odluke o dodjeli finansijskih sredstava za nabavku termalne kamere za dron;
- Izjašnjenje KŠCZ po osnovu tužbenog zahtjeva advokata Edina Hodžića koji zastupa Zorana Jovanovića;
- Izmjena Plana korištenja sredstava posebne naknade za zaštitu i spašavanje od prirodnih nesreća u 2022. godini i davanje Mišljenja na isti;
- Izjašnjenje KŠCZ po osnovu dodjele novčanih sredstava općinama/gradovima od strane Vlade TK za opremanje struktura civilne zaštite na području TK;
- Razmatranje Zahtjeva o dodjeli jednokratne finansijske pomoći za hitne intervencije općini Čelić, uslijed prirodne nesreće izazvane poplavom iz 2022. godine i donošenje Odluke o dodjeli sredstava prema datom mišljenju i prijedlogu Kantonalne komisije za procjenu šteta;
- Razmatranje zahtjeva za dodjelu jednokratne finansijske pomoći za otklanjanje posljedica općini Čelić, uslijed prirodne nesreće izazvane poplavom i klizištima u 2022. godini;
- Razmatranje prijedloga Odluke o odobravanju finansijskih sredstava Ronilačkom klubu „Vidara“ Gradačac za troškove potrage za nestalim utopljenikom i izvlačenjem tijela nastradalog (Služba za zaštitu i spašavanje na vodi i pod vodom TK);
- Prijedlog nabavke računarske opreme za potrebe Kantonalnog operativnog centra civilne zaštite;

- Upoznavanje sa prvostepenom presudom u slučaju „Mešić-Com“;
- Odluka o dodjeli zaštitnih maski Uredu za zajedničke poslove.

O svim materijalima, koji su bili na dnevnom redu sjednica Kantonalnog štaba, prije nego što su donijeti adekvatni akti po istim, vođena je kvalitetna i konstruktivna rasprava nakon koje se odlučivalo izjašnjavanjem putem glasanja u skladu sa zakonskim propisima i Poslovníkom o radu Kantonalnog štaba.

Sva akta donesena na sjednicama Kantonalnog štaba odmah su prosljeđena subjektima na koje se odnose.

### **III FINANSIJSKI IZVJEŠTAJ**

Odredbama člana 180. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine F BiH”, broj 39/03, 22/06 i 43/10) (u daljem tekstu Zakon), utvrđena je posebna naknada za zaštitu od prirodnih i drugih nesreća (u daljem tekstu Posebna naknada) u visini 0,5% od osnovice koju čine isplaćene neto plaće zaposlenika u radnom odnosu i svih lica angažiranih po ugovoru o vršenju privremenih i povremenih poslova i po ugovoru o djelu.

Navedenim članom utvrđeno je da od evidentiranih i prikupljenih sredstava 15% pripada Federaciji, 25% kantonu, a 60% općini u kojoj su ta sredstva ostvarena.

Izdvojena sredstva su strogo namjenskog karaktera i njihova namjena, kada je u pitanju kanton, utvrđena je članom 183. stav 1. tačka 2), 3), 5), 6), 7) i 8) Zakona, odnosno za:

- 1) pripremanje, opremanje, finansiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje ustrojava kanton, te troškove koji nastaju tokom njihovog sudjelovanja u provođenju mjera zaštite i spašavanja po naređenju kantonalnog štaba civilne zaštite;
- 2) opremanje i osposobljavanje privrednih društava i drugih pravnih lica u dijelu kada postavljeni zadaci tim društvima nadilaze njihove materijalne mogućnosti;
- 3) saniranje dijela šteta nastalih prirodnom ili drugom nesrećom, u skladu sa svojim materijalnim mogućnostima;
- 4) Istraživačke i razvojne projekte od značaja za organizaciju i provođenje zaštite i spašavanja od prirodnih i drugih nesreća;
- 5) Obuka stanovništva i
- 6) Prema potrebi pružanje finansijske podrške općinama u ostvarivanju njihovih zadataka zaštite i spašavanja, a naročito za opremanje i obuku općinskih štabova civilne zaštite, službi zaštite i spašavanja, jedinica civilne zaštite, operativnih centara civilne zaštite, pomoć u saniranju posljedica prirodnih i drugih nesreća i udruživanje sredstava posebne naknade s općinama, kantonima i Federacijom u zajedničkim projektima razvitka sistema zaštite i spašavanja.

Korištenje sredstava Posebne naknade, vrši se u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća (“Službene novine Federacije Bosne i Hercegovine”, broj 4/12 i 80/13), (u daljem tekstu: Odluka o posebnoj naknadi) kao:

- prikupljena, a neutrošena sredstva iz prethodnih godina i
- prikupljena sredstva tokom tekuće budžetske godine.

## **Korištenje neutrošenih sredstava iz prethodnih godina**

Prikupljena i neutrošena sredstva iz prethodnih godina mogu se trošiti na sljedeći način:

- a) do 20% za saniranje dijela šteta nastalih prirodnom ili drugom nesrećom  
“Saniranje dijela štete nastalih prirodnom ili drugom nesrećom u skladu sa svojim materijalnim mogućnostima.” (Zakon, član 183. stav 1. tačka 5)
- b) do 20% za sufinansiranje preventivnih mjera zaštite i spašavanja  
“Kanton može dio sredstava, iz člana 180. stav 4. ovog Zakona, koja pripadaju kantonu, izuzetno, kao interventnu mjeru, koristiti za finansiranje preventivnih mjera zaštite i spašavanja, pod uslovom da je dio sredstava za te namjene osiguran u budžetu kantona i ako su preventivne mjere utvrđene u programu razvoja i godišnjem planu realizacije tog programa, s tim da ta sredstva ne mogu biti veća od 20% sredstava koja se prikupe u toku budžetske godine.” (Zakon, član 183. stav 3)
- c) do 50% za opremanje struktura civilne zaštite  
“Pripremanje, opremanje, finansiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2)  
“Opremanje i osposobljavanje privrednih društava i drugih pravnih lica u dijelu kada postavljeni zadaci tim društvima nadilaze njihove materijalne mogućnosti.” (Zakon, član 183. stav 1. tačka 3)  
“Istraživačke i razvojne projekte od značaja za organizaciju i provođenje zaštite i spašavanja od prirodnih i drugih nesreća.” (Zakon, član 183. stav 1. tačka 6)  
“Prema potrebi, pružanje finansijske podrške općinama u ostvarivanju njihovih zadataka zaštite i spašavanja, a naročito za opremanje i obuku općinskih štabova civilne zaštite, službi zaštite i spašavanja, jedinica civilne zaštite, operativnih centara civilne zaštite, pomoć u saniranju posljedica prirodnih i drugih nesreća i udruživanje sredstava posebne naknade s općinama, kantonima i Federacijom u zajedničkim projektima razvitka sistema zaštite i spašavanja”. (Zakon, član 183. stav 1. tačka 8)
- d) do 5% za pripremanje, obuku i vježbe i  
“Pripremanje, opremanje, finansiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2.)  
“Obuku stanovništva.” (Zakon, član 183. stav 1. tačka 7.)  
“Prema potrebi, pružanje finansijske podrške općinama u ostvarivanju njihovih zadataka zaštite i spašavanja, a naročito za opremanje i obuku općinskih štabova civilne zaštite, službi zaštite i spašavanja, jedinica civilne zaštite, operativnih centara civilne zaštite, pomoć u saniranju posljedica prirodnih i drugih nesreća i udruživanje sredstava posebne naknade s općinama, kantonima i Federacijom u zajedničkim projektima razvitka sistema zaštite i spašavanja.” (Zakon, član 183. stav 1. tačka 8.)
- e) do 5% za finansiranje troškova učešća u provođenju mjera zaštite i spašavanja  
“Pripremanje, opremanje, finansiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2.)

Raspodjela neutrošenih sredstava iz prethodnih godina kao i pomoć općinama vrši se na osnovu Odluke o dodjeli pomoći općinama iz sredstava posebne naknade za zaštitu od prirodnih i drugih nesreća, (“Službene novine TK”, broj 15/14, 16/17 i 2/21), (u daljem tekstu: Odluka o pomoći iz sredstava posebne naknade).

## **Korištenje sredstava iz tekuće budžetske godine**

Korištenje prikupljenih sredstava u toku budžetske godine može se vršiti na sljedeći način:

- a) do 40% za saniranje dijela šteta nastalih prirodnom ili drugom nesrećom  
“Saniranje dijela štete nastalih prirodnom ili drugom nesrećom u skladu sa svojim materijalnim mogućnostima.” (Zakon, član 183. stav 1. tačka 5)
- b) do 20% za sufinansiranje preventivnih mjera zaštite i spašavanja  
“Kanton može dio sredstava, iz člana 180. stav 4. ovog Zakona, koja pripadaju kantonu, izuzetno, kao interventnu mjeru, koristiti za finansiranje preventivnih mjera zaštite i spašavanja, pod uslovom da je dio sredstava za te namjene osiguranim u budžetu kantona i ako su preventivne mjere utvrđene u programu razvoja i godišnjem planu realizacije tog programa, s tim da ta sredstva ne mogu biti veća od 20% sredstava koja se prikupe u toku budžetske godine.” (Zakon, član 183. stav 1. stav 3)
- c) do 30% za opremanje struktura civilne zaštite i  
“Pripremanje, opremanje, finansiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2)  
“Opremanje i osposobljavanje privrednih društava i drugih pravnih lica u dijelu kada postavljeni zadaci tim društvima nadilaze njihove materijalne mogućnosti.” (Zakon, član 183. stav 1. tačka 3)  
“Istraživačke i razvojne projekte od značaja za organizaciju i provođenje zaštite i spašavanja od prirodnih i drugih nesreća.” (Zakon, član 183. stav 1. tačka 6.)  
“Prema potrebi, pružanje finansijske podrške općinama u ostvarivanju njihovih zadataka zaštite i spašavanja, a naročito za opremanje i obuku općinskih štabova civilne zaštite, službi zaštite i spašavanja, jedinica civilne zaštite, operativnih centara civilne zaštite, pomoć u saniranju posljedica prirodnih i drugih nesreća i udruživanje sredstava posebne naknade s općinama, kantonima i Federacijom u zajedničkim projektima razvitka sistema zaštite i spašavanja. (Zakon, član 183. stav 1. tačka 8.)
- d) do 5% za pripremanje, obuku i vježbe i  
“Pripremanje, opremanje, financiranje i obuku kantonalnog štaba, službi zaštite i spašavanja, operativnog centra, centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2.)  
“Obuku stanovništva.” (Zakon, član 183. stav 1. tačka 7.)  
“Prema potrebi, pružanje finansijske podrške općinama u ostvarivanju njihovih zadataka zaštite i spašavanja, a naročito za opremanje i obuku općinskih štabova civilne zaštite, službi zaštite i spašavanja, jedinica civilne zaštite, operativnih centara civilne zaštite, pomoć u saniranju posljedica prirodnih i drugih nesreća i udruživanje sredstava posebne naknade s općinama, kantonima i Federacijom u zajedničkim projektima razvitka sistema zaštite i spašavanja.” (Zakon, član 183. stav 1. tačka 8.)
- e) do 5% za financiranje troškova učešća u provođenju mjera zaštite i spašavanja  
“Pripremanje, opremanje, finansiranje i obuku kantonalnog štaba, službi zaštite i spašavanja, operativnog centra za obuku i jedinica civilne zaštite koje organizira kanton, kao i troškove koji nastaju tokom njihovog učešća u provođenju mjera.” (Zakon, član 183. stav 1. tačka 2.)

U slučajevima kada za to postoji opravdanje može se vršiti međusobna preraspodjela sredstava unutar tački c), d) i e), i u korist tačke a) uvećavanjem procenta potrošnje za onu namjenu koja je u tekućoj godini prioritet.

Sredstva iz tačke a) dodjeljuju se kao pomoć općinama na način predviđen Odlukom o postupku i kriterijima za dodjelu jednokratne novčane pomoći općinama Tuzlanskog kantona za otklanjanje šteta od prirodnih i drugih nesreća, (Službene novine TK”, broj 6/12) (u daljem tekstu: Odluka o jednokratnoj novčanoj pomoći) a sredstva iz tačke b) do e) troše se u skladu sa Odlukom o pomoći iz sredstava posebne naknade.

U skladu sa zakonskim odredbama Kantonalna uprava civilne zaštite sačinjava Izvještaj o korištenju sredstava posebne naknade za zaštitu i spašavanje za prethodnu budžetsku godinu i isti nakon razmatranja na Kantonalnom štabu civilne zaštite dostavlja Vladi kantona na usvajanje.

### **Pregled planirane i ostvarene potrošnje sredstava posebne naknade u toku 2022. godine**

Sredstva posebne naknade za zaštitu i spašavanje od prirodnih i drugih nesreća su strogo namjenskog karaktera, ne gase se istekom kalendarske, odnosno budžetske godine, već se akumuliraju sa sredstvima koja se prikupe u toku naredne godine.

Stanje sredstava na dan 31.12.2021. godine iznosilo je 5.168.443,69 KM.

Sredstva se troše u skladu sa usvojenim Budžetom, odnosno Planom korištenja sredstava posebne naknade za zaštitu i spašavanje od prirodnih i drugih nesreća.

Usvojenim Planom korištenja sredstava posebne naknade za zaštitu i spašavanje od prirodnih i drugih nesreća u 2022. godini, broj: 18/01-11-002627/22 od 10.2.2022. godine i broj: 18/01-11-002627-1/22 od 13.5.2022. godine, predviđena je potrošnja sredstava u iznosu od 4.000.000,00 KM. U tabeli 1 dat je pregled planirane i ostvarene potrošnje sredstava Posebne naknade u 2022. godini.

Tabela 1: Pregled planirane i ostvarene potrošnje sredstava posebne naknade u 2022. godini

Konto	Naziv konta	Planirana potrošnja (KM)	Ostvarena potrošnja	
			(KM)	%
<b>610000</b>	<b>I TEKUĆI RASHODI</b>	<b>2.414.500,00</b>	<b>684.508,72</b>	<b>28,35</b>
<b>613000</b>	<b>Izdaci za materijal, sitni inventar i usluge</b>	<b>392.500,00</b>		
613100	Putni troškovi	4.000,00		
613400	Nabavka materijala i sitnog inventara	298.000,00		
613500	Izdaci za usluge prevoza i goriva	16.500,00		
613600	Unajmljivanje imovine, opreme i nematerijalne imovine	25.000,00		
613700	Izdaci za tekuće održavanje	14.000,00		
613900	Ugovorene i druge posebne usluge	35.000,00		
<b>614000</b>	<b>Tekući transferi i drugi tekući rashodi</b>	<b>987.000,00</b>	<b>557.420,63</b>	<b>56,48</b>
614100	Tekući transferi drugim nivoima vlasti	900.000,00	540.000,00	60,00
614200	Tekući transferi pojedincima	5.000,00		
614300	Tekući transferi neprofitnim organizacijama	50.000,00	17.370,00	34,74
614400	Subvencije javnim preduzećima	20.000,00		

Konto	Naziv konta	Planirana potrošnja (KM)	Ostvarena potrošnja	
			(KM)	%
614500	Subvencije privatnim preduzećima i poduzetnicima	10.000,00		
614800	Drugi tekući rashodi	2.000,00	50,63	2,53
<b>615000</b>	<b>Kapitalni transferi</b>	<b>1.035.000,00</b>	<b>127.088,09</b>	<b>12,28</b>
615100	Kapitalni transferi drugim nivoima vlasti	850.000,00		
615300	Kapitalni transferi neprofitnim organizacijama	120.000,00	87.088,09	72,57
615400	Kapitalni transferi javnim preduzećima	50.000,00	30.000,00	60,00
615500	Kapitalni transferi privatnim preduzećima i poduzetnicima	15.000,00	10.000,00	66,67
<b>820000</b>	<b>II KAPITALNI IZDACI</b>	<b>1.585.500,00</b>	<b>60.736,44</b>	<b>3,83</b>
<b>821000</b>	<b>Nabavka stalnih sredstava</b>	<b>1.585.500,00</b>	<b>60.736,44</b>	<b>3,83</b>
821300	Nabavka opreme	800.000,00	60.736,44	7,59
821400	Nabavka ostalih stalnih sredstava	38.500,00		
821500	Nabavka stalnih sredstava u obliku prava	700.000,00		
821600	Rekonstrukcija i investiciono održavanje	47.000,00		
<b>U K U P N O</b>		<b>4.000.000,00</b>	<b>745.245,16</b>	<b>18,63</b>

Od ukupno planiranih 4.000.000,00 KM ostvarena je potrošnja od 745.245,16 KM ili iskazano u procentima 18,63%.

Na ostvarenje potrošnje sredstava posebne naknade utiču prirodne i druge nesreće jer od njihovog djelovanja i intenziteta ovisi i utrošak sredstava predviđenih za provođenje mjera zaštite i spašavanja. Tako su u protekloj godini za hitne intervencije i otklanjanje posljedica prirodnih nesreća od ukupno planiranih 900.000,00 KM, dodijeljeno 540.000 KM (općini Čelić je dodijeljeno 40.000 KM za hitne intervencije i 500.000 KM za otklanjanje posljedica).

U 2022. godini je proveden postupak javne nabavke „Sistem za obavještanje i uzbuđivanje građana na području Tuzlanskog kantona“. Sa odabranim ponuđačem „Mibo komunikacije“ d.o.o. Sarajevo je u decembru 2022. godine potpisan ugovor, rok realizacije ugovora je 180 dana, a ukupna cijena za nabavku 17 sirena i 4 operativna centra je 624.399,75 KM, od čega Kantonalni štab civilne zaštite finansira nabavku 13 sirena i 4 operativna centra u iznosu od 527.991,75 KM, Grad Gračanica finansira nabavku jedne sirene u iznosu od 24.102,00 KM a Javno preduzeće za vodoprivrednu djelatnost “Spreča” d.d. Tuzla finansira nabavku 3 sirene u ukupnom iznosu od 72.306,00 KM.

U 2022. godini planirana su sredstva posebne naknade u iznosu 550.000,00 KM za sanaciju brane jezera Modrac (IV faza). Ova sredstva zajedno sa sredstvima od vodnih naknada kojima raspolaže nosilac ovih aktivnosti - Ministarstvo poljoprivrede, vodoprivrede i šumarstva i sredstvima drugih subjekata, usmjerila bi se za realiziranje navedene aktivnosti. Međutim, ova aktivnost nije realizovana.

#### **IV ZAKLJUČNA RAZMATRANJA**

Na osnovu detaljne analize aktivnosti koje su vođene od strane Kantonalnog štaba u periodu januar-decembar 2022. godine, može se zaključiti da je Kantonalni štab u potpunosti ostvario svoju zakonom utvrđenu funkciju u sistemu zaštite i spašavanja Tuzlanskog kantona.

Kantonalni štab je u ovom periodu održao 9 redovnih, jednu vanrednu i 3 telefonske sjednice, te nekoliko konsultativnih radnih sastanaka komandanta i načelnika štaba.

Ostvarena je dobra saradnja sa općinskim i gradskim štabovima civilne zaštite, Kantonalnom komisijom i općinskim/gradskim komisijama za procjenu šteta, odnosno Kantonalnom upravom civilne zaštite.

Dostaviti:

- Vladi Tuzlanskog kantona
- KUCZ TK
- Evidencija
- Arhiva

**Komandant**

dipl. oec. Mustafa Šakić